

Cystadleuaeth Pendine-Cerddor Ifanc Cymru 2026

Gŵyl Gerdd Ryngwladol Gogledd Cymru mewn cydweithrediad ag Ymddiriedolaeth Celf a Chymunedau Pendine a BBC Radio Cymru

Gwobrau: Gwobr Gyntaf £2,000 a *Thlws Pendine*

gyda gwahoddiad i berfformio datganiad unigol yng Ngŵyl Gerdd Ryngwladol Gogledd Cymru 2027 ac yn Tŷ Pawb, Wrecsam

Ail: £1,000

Cydradd 3ydd: £500 yr un

Mae Cerddor Ifanc Cymru Pendine yn gyfle unigryw i gerddorion ifanc sydd wedi eu geni neu yn byw yng Nghymru i arddangos eu doniau yng Ngŵyl Gerdd Ryngwladol Gogledd Cymru; i gael beirniadaeth gan feirniaid enwog byd eang; derbyn adborth arbenigol ar eu perfformiad a pherfformio mewn lleoliad gydag un o'r acwsteg gorau yng Nghymru, Cadeirlan Llanelwy, yn ogystal â chael eu darlledu ar BBC Radio Cymru.

Mae hon yn gystadleuaeth gynhwysol, ac 'rydym yn croesawu ceisiadau gan gerddorion sydd ag anableddau amlwg neu anableddau cudd.

Os oes gennych ddiddordeb mewn cystadlu, uwch lwythwch fideo neu glip sain o'ch perfformiad ar gyfer **Rownd 1**, ynghyd â'ch ffurflen gais wedi ei chwblhau, a dogfen yn profi eich oedran drwy wefan Gŵyl Gerdd Ryngwladol Gogledd Cymru - <https://nwimf.com/cy> - **erbyn 5yh ar ddydd Gwener, 31 Gorffennaf 2026.**

- Ni all y perfformiad y byddwch yn ei uwchlwytho fod dim mwy na 5 munud o hyd. Gall fod yn berfformiad o un darn unigol, neu symudiad o ddarn mwy neu raglen fer, dim mwy na 5 munud o hyd.
- Bydd fideos a uwchlwythir yn cael eu dinistrio wedi'r feirniadaeth.
- Bydd y beirniaid yn dewis pedwar perfformiwr ac yn eu gwahodd i gymryd rhan yn y **Rownd Derfynol** fyw drwy e-bost.
- Bydd cystadleuwyr na chafodd eu dewis i gymryd rhan yn Rownd Derfynol hefyd yn cael eu hysbysu o'r canlyniad drwy e-bost. Ni fydd adborth pellach yn cael ei roi ar y pwynt yma.

Rownd Derfynol

Bydd pedwar ymgeisydd terfynol yn cael eu dewis o Rownd 1 i gystadlu yn y Rownd Derfynol a gynhelir yng Nghadeirlan Llanelwy nos **Fercher 16 Medi 2026.**

Ar gyfer y **Rownd Derfynol**, gofynnir i gystadleuwyr baratoi rhaglen fer rhwng 10 a 15 munud o hyd. Gall hyn fod yn un darn unigol, symudiad unigol neu ddau symudiad o waith mwy, neu ddetholiad o weithiau byrrach. Caniateir ailadrodd gwaith neu weithiau o **Rownd 1** yma fel rhan o'r rhaglen.

Rheolau:

- Mae'r gystadleuaeth yn agored i holl gerddorion sydd wedi eu geni neu yn byw yng Nghymru, neu sydd yn Gymry sydd yn astudio dramor.
- Rhaid i'r holl gerddorion fod **o dan 21 oed ar Ionawr 1 2026** i fod yn gymwys i gystadlu.
- Nodwch nid oes isafswm oed i gystadlu.
- Ni allwn dderbyn ceisiadau gan enillwyr blaenorol y gystadleuaeth.
- I ymgeisio, mae'n rhaid i chi lenwi a chyflwyno'r ffurflen gais ar-lein, ynghyd â phrawf o oedran. Gall tystiolaeth o'ch oedran fod yn gopi o'ch tystysgrif geni, pasbort, trwydded yrru, neu gerdyn adnabod cenedlaethol. ***Peidiwch ag anfon dogfennau gwreiddiol os gwelwch yn dda.***
- Bydd raid i'r holl gerddorion sydd yn cystadlu ddarparu eu cyfeilyddion eu hunain.
- Nodwch na fydd posib darparu neb i droi tudalennau.
- Nodwch na fydd offerynnau taro yn cael eu darparu. Bydd rhaid i chi ddod a'ch offeryn eich hun.
- Bydd piano maint proffesiynol, ac organ y Gadeirlan yn cael eu darparu.
- Bydd pob cystadleuydd yn cael cyfle i ymarfer yn y Gadeirlan ar y diwrnod, o flaen y **Rownd Derfynol**.
- Rhaid rhoi copïau o'r darnau sydd yn cael eu perfformio gan y cystadleuwyr i'r beirniaid cyn y perfformiad. Gall y rhain fod yn llungopïau. Os ydynt yn llungopïau, byddant yn cael eu dinistrio ar ôl eu defnyddio yn unol â deddf hawlfraint.
- Mae pob cystadleuydd sydd yn cymryd rhan yn y **Rownd Derfynol** yn cytuno i gael eu recordio ar gyfer darllediad gan BBC Radio Cymru ar ddyddiad arall, ac yn cytuno i gael eu cyfweld gan BBC Radio Cymru a chyfryngau eraill.
- Ni dderbynnir ceisiadau hwyr.
- Bydd pob un o'r tri beirniad yn derbyn beirniadaeth ysgrifenedig gan bob un o'r Rownd Derfynol.
- Mae penderfyniad y beirniad yn derfynol.